

NGÁ-KOK Ê PHOE (59)

1 Siōng-tè kap Chú Iâ-so· Ki-tok ê lô·pók, Ngá-kok chhéng-an cháp-jī chi-phài sì-soàⁿ khiā-khí ê.

²Goá ê hiaⁿ-tī ah, lín hām-lòh tī choē-choē iūⁿ ê chhi-liān, tiòh lóng liáh choè hoaⁿ-hí, ³in-ūi chai lín sìn ê keng-giām oē siⁿ-chhut thun-lún, ⁴Tók-tók thun-lún tiòh hō· i kàu sêng-kong, hō· lín oân-choân chiâu-pī, bô só· khiàm-kheh.

⁵Lín tiong-kan nā ū lāng khiàm-kheh tì-hūi, tiòh tui hit ê pēh-pēh hō· cheng lāng, iā bô hiām lāng, ê Siōng-tè kī-kiū, chiū beh hō· i. ⁶Tók-tók tiòh ēng sìn lāi kiū, lóng bô giâu-gi; in-ūi giâu-gi ê lāng phī-jū chhin-chhiūⁿ hái-éng hō· hong phah, lāi khí-lòh. ⁷Hit hō lāng bián phah-sèng tui Chú ū thang tit-tiòh sím-mih; ⁸nāg iūⁿ sim ê lāng, tī só· kiāⁿ it-chhè ê lô· bô tēng-chún.

⁹Pi-bī ê hiaⁿ-tī tiòh tui i ê ko-seng lāi khoa-kháu; ¹⁰hó-giáh ê tui i ê pi-bī iā tiòh án-ni; in-ūi i beh kè-khì chhin-chhiūⁿ chháu ê hoe. ¹¹In-ūi jīt chhut kap sio ê hong, hō· hit ê chháu ta, hoe siā, i ê súi chiū bô-khì; hó-giáh lāng tī i ê só· kiāⁿ iā beh án-ni soe-thè.

¹²Tú-tiòh chhi lāi jím-siū ê lāng ū hok-khì, in-ūi kī-jīn keng-kè chhi-giām beh tit-tiòh oáh-miā ê bián-liū, chiū-sī Chú só· èng-ún hō· thiāⁿ I ê lāng ê. ¹³Tú-tiòh chhi ê lāng bôh-tit kóng, Goá sī hō· Siōng-tè só· chhi; in-ūi Siōng-tè bô hō· pháiⁿ só· chhi, I ka-kī iā bô

chhi lāng. ¹⁴Tók-tók ták lāng tú-tiòh chhi, lóng sī hō· ka-kī su-iók só· bē só· tiò. ¹⁵Su-iók í-keng hoài-īn, chiū siⁿ choē-ok, choē-ok í-keng tióng-seng, chiū siⁿ chhut sí-bô. ¹⁶Goá só· thiāⁿ ê hiaⁿ-tī ah, bôh-tit chhò-gō. ¹⁷Kīⁿ-nā hó ê siūⁿ-sù, kap oân-choân ê un-sù, lóng sī tui téng-bīn, tui cheng hāng kng ê Pē lòh-lāi. I bô piàn-oāⁿ, iā bô tóg-séh ê iáⁿ. ¹⁸I chiàu ka-kī ê ì-sù bat ēng chin-lí ê tō siⁿ lán, beh hō· lán tī I só· chō ê ê tiong-kan, choè chhin-chhiūⁿ thau-chui ê ké-chí.

¹⁹Goá só· thiāⁿ ê hiaⁿ-tī ah, lín chai chit-ê. Nā-sī ták lāng lūn-kàu thiaⁿ tiòh kín, kóng oē tiòh bān, siū-khì iā tiòh bān. ²⁰In-ūi lāng ê siū-khì bô chiāⁿ Siōng-tè ê gī. ²¹Só·-í lín tū-khì lóng-chóng am-cham, kap kè-giáh ê ok-tók, tiòh ēng un-jiū lāi chiap-láp só· cheng tī lāi-bīn ê tō-lí, chiū-sī oē kiū lín ê lēng-hūn ê. ²²Lín tiòh choè kiāⁿ tō-lí ê, m̄ sī kan-ta thiaⁿ ê, lāi ka-kī phiàn. ²³In-ūi thiaⁿ tō-lí, nā bô kiāⁿ ê, phī-jū chhin-chhiūⁿ lāng tī kiāⁿ-nīh siōng-sè khoàⁿ i pún-jīn ê bīn; ²⁴Khoàⁿ kè-liáu chiū choè i khì, liām-piⁿ boē kī-tit i siⁿ-choè sím-mih khoán. ²⁵Nā-sī lāng chù-sin tī hit ê chiâu-chng ê lút-hoat, chiū-sī hō· lāng chū-iū ê, iā tng-tng toà tī hit-ê, m̄ sī thiaⁿ-liáu boē kī-tit ê, sī sīt-chāi teh ēng kang ê, chit hō lāng tī i ê só· choè beh ū hok-khì. ²⁶Nā ū lāng liáh ka-kī choè keng-khiān, iā bô iok-sok i ê chih, chiū-sī phiàn i ka-kī ê sim, chit hō lāng ê

kèng-khiân sī khang-khang. ²⁷Tòk-tòk koàn-kò· ko·-jī koáⁿ-hū tī in ê hoân-lân tiong, koh ka-kī siú, bô hō· sè-siòk bak-tiòh, che tī Pē Siōng-tè ê bīn-chêng chiū-sī choè chheng-khi bô lâ-sâm ê kèng-khiân.

2 Goá ê hiaⁿ-tī ah, lín siú lán ê Chú Iâ-so· Ki-tok êng-kng ê Chú ê sìn, m̄ thang êng goā-māu chhú lāng. ²Nā ū lāng koà kim chhiú-chí, chheng súi saⁿ, jīp lín ê hoē-tng, iā ū sòng-hiong lāng chheng phoà-noā ê saⁿ pīⁿ-pīⁿ jīp, ³lín chiū khoàⁿ chheng súi saⁿ ê, kā i kóng, Lí chē chit ê téng ūi; iā kā sòng-hiong ê kóng, Lí khiā hit ūi, á-sī chē goá ê kha-táh-í ê; ⁴che kiám m̄ sī sim-lāi ū cheng-choah, ēng pháiⁿ liām-thâu lāi hun-piat mah? ⁵Goá só· thiàⁿ ê hiaⁿ-tī, tiòh thiaⁿ ah; Siōng-tè kiám m̄ sī keng sè-kan sòng-hiong ê, hō· in tī sìn choè hó-giáh, lāi sêng-chiap I só· èng-ún beh hō· thiàⁿ I ê lāng ê kok mah? ⁶Nā-sī lín chiū lêng-jíok sòng-hiong lāng. Pū lāng kiám m̄ sī hiáp-chè lín, ka-kī thoa lín kàu sím-phoàⁿ thiaⁿ? ⁷Kiám m̄ sī pòng-tòk lín só· hō· lāng kiò chun-kui ê miā mah? ⁸Chiàu sèng-keng só· kì-chài, Tiòh thiàⁿ chhù-pīⁿ chhin-chhiūⁿ ka-kī, lín nā siú chit ê chì hó ê hoat kàu chīn, chiaⁿ sī hó. ⁹Tòk-tòk lín nā ēng goā-māu chhú lāng, chiū hoân choē, hō· lút-hoat tēng choè hoân-hoat ê. ¹⁰In-ūi kìⁿ-nā choân siú lút-hoat, iā tui chit tiâu poáh-tó, chiū-sī hoân-tiòh cheng tiâu. ¹¹In-ūi kóng, Bóh-tit kan-îm ê, iā kóng, Bóh-tit thāi lāng. Nā lín bô kan-îm iā ū thāi lāng, sī choè hoân-tiòh lút-hoat ê lāng. ¹²Lín kì-jiân beh chiàu hō· lāng chū-iū ê lút-hoat siū sím-phoàⁿ, chiū tiòh chiàu án-ni kóng, chiàu án-ni kiāⁿ. ¹³In-ūi lāng bô lín-bín lāng, tng sím-phoàⁿ iā bô tit-tiòh lín-bín; lín-bín iāⁿ-kè sím-phoàⁿ lāi khoa-kháu.

¹⁴Goá ê hiaⁿ-tī ah, lāng kóng ū sìn, iā

bô kiāⁿ, ū sím-mih lī-ek? Chit hō sìn oē kiù i mah? ¹⁵Nā ū hiaⁿ-tī á-sī chí-bē bô thang chheng bô thang chiaⁿ, lín tiōng-kan ū lāng kā in kóng, Thang an-jiân khi, goān lín chheng-sio chiaⁿ-pá, iā kèng-jiân bô ēng sin-khu só· khiām-ēng ê hō· in, ū sím-mih lī-ek? ¹⁷Án-ni, sìn nā bô kiāⁿ, chiū ka-kī sī sí. ¹⁸Beh ū lāng kóng, Lí ū sìn, goá ū kiāⁿ; lí bô ēng kiāⁿ tiòh hō· goá khoàⁿ lí ê sìn, goá chiū tui goá ê kiāⁿ hō· lí khoàⁿ goá ê sìn. ¹⁹Lí sìn Siōng-tè chí ū chit ê; che sī hó; hiah ê kúi iā sìn, lāi ngiáuh-ngiáuh-chhoah. ²⁰Hong-hàm ê lāng ah, bô ū kiāⁿ ê sìn chiū-sī khang-khang, lí ài chai mah? ²¹Lán ê chó· A-pek-láh-hán hiàn i ê kiáⁿ Í-sat tī toāⁿ-téng, kiám m̄ sī tui só· kiāⁿ lāi tit-tiòh chheng-choè-gī mah? ²²Khó-kiàn sìn kap i ê kiāⁿ pīⁿ-pīⁿ chìn-hēng, koh sìn tui kiāⁿ lāi tit-tiòh oân-choân. ²³Chiū èng-giām sèng-keng só· kóng, A-pek-láh-hán sìn Siōng-tè, chiū kā i sng choè gī; i koh tit-tiòh chheng choè Siōng-tè ê pēng-iú. ²⁴Tui án-ni khoàⁿ, lāng tit-tiòh chheng-choè-gī sī tui só· kiāⁿ, m̄ sī kan-ta tui sìn. ²⁵Chhiong-ki Lat-háp chiap-láp sù-chiá, hō· in tui pát tiâu lō· chhut, kiám m̄ sī iū-goân tui só· kiāⁿ lāi tit-tiòh chheng-choè-gī? ²⁶In-ūi chhin-chhiūⁿ seng-khu, nā bô sìn, chiū sī sí, sìn bô kiāⁿ iā sī sí.

3 Goá ê hiaⁿ-tī ah, m̄ thang choē-choē lāng choè sian-siⁿ, in-ūi chai lán beh siū khah tâng ê sím-phoàⁿ. ²In-ūi lán cheng lāng tī choē-choē hāng poáh-tó. Tī kóng oē bô poáh-tó ê, chiū-sī choè oân-choân ê lāng, iā oē iok-sok i thong seng-khu. ³Lán hē bé-kā-kiuⁿ tī bé ê chhui, hō· in sūn-thàn lán, chiū koán-hat in thong seng-khu. ⁴Koh, lí khoàⁿ, hiah ê chūn, sui-jiân hiah toā chiaⁿ, hō· toā hong sàu i, iū-goân sī ēng soè-soè ê toā hō· i tng-

oat, chiều tãi-kong ê ì-sù số· ài. ⁵Án-ni chih sī soè-soè ê thé, iáu-kú kóng toā oē. Lí khoàⁿ, sió-khoá ê hé sio chhiū-bák joā choē ah! ⁶Chih chiū-sī hé, tī lán pah-thé tiong choè put-gī ê sè-kài, phah lâ-sâm thong seng-khu, it-seng ê hêng-tōng tui i hoat hé; i ka-kī ê hé sī tui tē-gék hoat. ⁷In-ūi ták lūi ê cháu-siū, pe-chiáu, thàng-thoā, chúi-chók, lóng siū chè-ap, iā í-keng hō· jîn-lūi chè-ap. ⁸Tók-tók chih bô lāng oē chè-ap; sī bô thêng-hioh ê pháiⁿ mih, ū sí ê tók moá-moá. ⁹Lán ēng i o-ló Chú, chiū-sī Pē, koh ēng i chiū-chó· lāng, chiū-sī chiều Siōng-tè ê khoán-sit lāi chhòng-chō ê. ¹⁰O-ló kap chiū-chó· siāng chit ê chhui chhut. Goá ê hiaⁿ-tī ah, che sī m̄ eng-kai. ¹¹Chui-choāⁿ kiám oē tui siāng chit khang lâu chhut tīⁿ-ê khó·-ê mah? ¹²Goá ê hiaⁿ-tī ah, bû-hoa-kó chhiū oē siⁿ kaⁿ-ná mah? á-sī phû-tô chhiū oē siⁿ bû-hoa-kó mah? án-ni tui kiām-ê lâu-chhut chiáⁿ-ê iā boē-oē.

¹³Lín tiong-kan chī-chui ū tì-hui kiàn-sek ê ah? chiū tiōh ēng tì-hui ê un-jiū, tui hó ê phín-hēng, lāi hián-bēng i ê số· kiāⁿ. ¹⁴Lín sim-lāi nā khng ok-tók ê oàn-tò· kap saⁿ-chiⁿ, chiū bôh-tit khoa-kháu, bôh-tit pēh-chhát lāi gék chin-lí. ¹⁵Chit hō tì-hui m̄ sī tui téng-bīn lāi ê, sī siók tī choē, siók tī hiat-khì, siók kúi ê khoán. ¹⁶In-ūi tī sím-mih số·-chāi ū oàn-tò· kap saⁿ-chiⁿ, chiū tī hia ū jiáu-loān kap it-chhè ê pháiⁿ sū. ¹⁷Tók-tók tui téng-bīn ê tì-hui, it sī chheng-kiat, iáu-ê sī hô-pēng, un-jiū, hó siong-liōng, ū lín-bín kap hó ê ké-chí moá-moá, bô phian-thán, bô ké-hó. ¹⁸Koh gī ê ké-chí sī chāi-tī hô-pēng, ká kiāⁿ hô-pēng ê lāng lāi cheng.

4 Lín tiong-kan chiaⁿ ê cheng-chiàn tui tá-lóh lāi, chiaⁿ ê saⁿ-chiⁿ tui tá-lóh lāi? Kiám m̄ sī tui lín ê iàn-lók, kau-chiàn tī lín pah-

thé tiong ê, lāi mah? ²Lín tham-loān, iā bô số· ū; lín thāi lāng, oàn-tò·, iā boē tit-tiōh; lín saⁿ-chiⁿ cheng-chiàn; lín bô số· ū, in-ūi lín bô kiū. ³lín kiū iā bô tit-tiōh, in-ūi lām-sám kiū, sī beh khai-ēng i tī lín ê iàn-lók. ⁴Lín chiaⁿ ê im-hū ah, kiám m̄ chai kap sè-kan choè pēng-iú sī kap Siōng-tè choè tui-ték mah? Số·-í kìⁿ-nā ài choè sè-kan ê pēng-iú ê, chiū-sī choè Siōng-tè ê tui-ték. ⁵Á-sī lín phah-sng sēng-keng sī khang-khang kóng mah? I số· siúⁿ-sù lán ê sīn, kiám loān-bô· kàu tī oàn-tò· mah? ⁶Nā-sī I siúⁿ-sù kah toā ê un. Số·-í kóng, Siōng-tè tí-ték kiau-ngō· ê, siúⁿ-sù un hō· khiam-pi ê. ⁷Số·-í lín tiōh sūn-hók Siōng-tè; iā tiōh tí-ték Mô·-kúi, i chiū cháu-siām lín. ⁸Chhin-kūn Siōng-tè, I chiū chhin-kūn lín. Lín hoān choē ê, tiōh soé lín ê chhiú; nng iūⁿ sim ê lāng, tiōh chheng-khì lín ê sim. ⁹Tiōh iu-khó·, ai-siong, thi-khau; lín ê chhiò tiōh oāⁿ-choè ai-siong, lín ê hoaⁿ-hí tiōh oāⁿ-choè iu-būn. ¹⁰Tiōh ka-kī khiam-pi tī Chú ê bīn-chēng, I chiū beh ko-seng lín.

¹¹Hiaⁿ-tī ah, bôh-tit saⁿ hui-pòng; hui-pòng hiaⁿ-tī, á-sī phoe-phēng i ê hiaⁿ-tī ê, chiū-sī hui-pòng lút-hoat, phoe-phēng lút-hoat. Lí nā phoe-phēng lút-hoat, chiū m̄ sī kiāⁿ lút-hoat ê, chiū-sī choè phoe-phēng ê. ¹²Líp-hoat ê, phoe-phēng ê, chí ū chit-ê, I oē kiū iā oē biát; lí sī sím-mih lāng teh phoe-phēng chhù-piⁿ ah?

¹³Tá, lín teh kóng, Kin-á-jit á-sī bīn-á-jit, goán beh khi bó· ê siāⁿ, toā tī hia chit nī kú, choè seng-lí thàn chíⁿ; ¹⁴nā-sī bīn-á-jit ê sū lín iáu m̄ chai. Lín ê oah-miā sī cháiⁿ-iūⁿ? Lín sī hūn-bū chiām-sī chhut-hiān, āu-lāi chiū bô khoāⁿ-kìⁿ. ¹⁵Lín kah hó tiōh án-ni kóng, Chú nā goān, goán chiū oē oah, iā beh choè chit hāng hit hāng. ¹⁶Taⁿ lín ēng chiaⁿ ê

phín-phóng ê sū teh khoa-kháu; hoān-nā chit hō ê khoa-kháu, lóng sī pháiⁿ. ¹⁷Só·í chai ū hó tiòh kiāⁿ, iā m̄ kiāⁿ ê, chiū-sī i ê choē.

5 Taⁿ, lín pù lāng, tiòh ūi-tiòh beh kàu tī lín ê khó·lān lāi thi-khàu âu-kiò. ²Lín ê chiⁿ-châi í-keng pāi-hoāi, lín ê i-chiūⁿ tiòh chiū thāng. ³Lín ê kim-gūn siⁿ sian, hit ê sian beh choē kan-chèng lāi kong-kek lín, iā beh chiāh lín ê bah chhin-chhiūⁿ hé sio. Lín tī chiaⁿ ê lō·bé jīt í-keng chek-chū châi-pó. ⁴Lí khoàⁿ, siu-koah lín ê hng ê ê kang-chiⁿ, lín só· m̄ hō· in lāi khek-khui lāng ê, ū siaⁿ teh âu-kiò; koh siu-koah ê lāng chiaⁿ ê ai-oàn ê siaⁿ thau jlp Bān-kun ê Chú ê hī-khang. ⁵Lín tī toē-chiūⁿ bat iān-lók chhia-chhiⁿ, iúⁿ lín ê sim tī sat-liók ê jīt. ⁶Hit ê gī lāng lín bat tēng i ê choē lāi thāi-sí i; i iā bô tí-ték lín.

⁷Hiaⁿ-tī ah, só·í lín tiòh siōng-siōng thun-lún, kàu tī Chú ê kàng-lóh. Lí khoàⁿ, choh-sit lāng theng-hāu toē-chiūⁿ pó-poē ê thó·sán, siōng-siōng thun-lún teh theng-hāu i, kàu tit-tiòh chhiu-lim chhun-hō·. ⁸Lín iā tiòh siōng-siōng thun-lún, kian-kò· lín ê sim, in-ūi Chú ê kàng-lim kūn lah. ⁹Hiaⁿ-tī ah, bôh-tit saⁿ oàn-tò·, bián-tit lín siū sím-phoàⁿ; lí khoàⁿ, sím-phoàⁿ-si í-keng khiā tī mng-kháu. ¹⁰Hiaⁿ-tī ah, hiah ê thok Chú ê miā lāi kóng ê sian-ti, lín tiòh chhiū in choē siū hoān-lān thun-lún ê bô·iūⁿ. ¹¹Hiah ê bat thun-lún ê lāng, lán kóng in ū hok-khi. Lín bat thiaⁿ-kìⁿ Iok-pek ê thun-lún, koh khoàⁿ Chú kàu bé cháiⁿ-iūⁿ, chiū-sī Chú moá-pak ê chú-pi kap lín-bín.

¹²Tók-tók, goá ê hiaⁿ-tī ah, tē it iàu-kín, bôh-tit chiū-choā; bôh-tit kí thiⁿ, á-sī toē, á-sī pát hāng m̄h, lāi chiū-choā. Lín ê Sī tiòh choē Sī, M̄-sī, choē M̄-sī, bián-tit lín tú-tiòh gí-choē.

¹³Lín tiong-kan ū lāng siū khó· mah? i tiòh kì-tó. Ū lāng hoaⁿ-hí bô? i tiòh gīm si. ¹⁴Ū lāng phoà-pīⁿ bô? i tiòh kiò kàu-hoē ê tiúⁿ-ló, tī Chú ê miā ēng iū boah i, kūn-oá i lāi kì-tó. ¹⁵Ū sìn ê kì-tó beh kiū phoà-pīⁿ ê lāng, Chú beh hō· i khi·lāi: i nā ū choē, beh sià-bián i. ¹⁶Lín tiòh saⁿ-tùi jīm choē, saⁿ-thoē kì-tó, thang tit-tiòh i-hó. Gī-lāng ê kì-tó, i ê lèk-liōng ū toā kong-hāu. ¹⁷Í-lī-a sī kap lán tâng cheng ê lāng, i chhiat-chhiat kiū bôh-tit lóh hō·, chiū bô lóh hō· tī toē-nih lèk-kè saⁿ ní koh lák gēh jīt. I koh kì-tó, thiⁿ chiū lóh hō·, toē chiū chhut thó·sán.

¹⁹Goá ê hiaⁿ-tī ah, lín tiong-kan nā ū sit-bê chin-lí ê, ū lāng hō· i oát-túg, thang chai hō· chit ê choē-jīm tui bê-lō· tò-túg ê, oē kiū i ê lēng-hūn chhut sí, koh oē jia-khām choē-choē ch (o) ē-koà.